

دائرة مخصوصه

در سعادتده باب عالی جوارنده

محل اداره :

مشرط القلم

اخطار :

مسلكمزه موافق آثار جديده مع المنوويه

قبول اورانور

درج انديلهين آثار اعاده او تاز

ديره، فلسفه، علوم، حقوق، ادبياتده و سياسياتده و باطامه كرك سياسي و كرك اجتماعي و مدني احوال و مشوره اسلاميه و در بحث ايدر و هفته ده بر نشر اورانور.

آبونه بدلی

سنه لکی التي آیلنی

ممالك عثمانیه ایچون	۸۰	۴۰	غروش
روسیه	»	۳۰۰	روبله
سائر ممالك اجنبیه	»	۱۷	۹ فرالقی

صاحب و مؤسسری :

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

در سعادتده نسخه سی ۵۰ پاره در

قیرله دن مقوا بورو ایله کوندریلیرسه سنوی
۲۰ غروش فضله آلنیر

عدد : ۸۳

۲۵ ربیع الاول ۳۲۸ پنجشنبه ۲۴ مارت ۳۲۶

در دنجی جلد

او وقت اتحاد اسلامی ده ایسته مزلر، اتحاد خرسیانی پی ده ایسته مزلر، اتحاد بلغاری پی ده ایسته مزلر. چونکه مثلاً اسلام اولر اتحاد ایتسه جرمنلر تهدیده معروض اوله جقلردر.

صوک عصرلره قدر بیلمه مش بر مسئله واردی. کره نك دوندیکی بیلمه یوردی. شیمدی ایسه دنیا بیلسون، نه اولور؟ کیمک ضررینه طوقنور؟ «یا هو! سزک بواغتقادلرکز هپ و هم. دونن شمس دکل، کره در. «دیرسک، «بیکی» دیر، قبول ایدر. نه دن بوکا کیمسه قیزمایور؟ چونکه کیمسه نك سیاستله بونک آلیش ویریشی یوق.

حالبوکه بونصل بر حقیقت ایسه اتحاد اسلام فکری ده اوله بر حقیقت در. فقط او ایشنه کلیور، اونی قبول ایتمز. «اتحاد اسلام اولمش، مسلمانلر ال اله و پرمش؛ بوندن سکا نه اولور؟ «دیه جک اولسه ک «ای اما، صوکر غیر مسلملری تهدید ایدر. «دیرلر. حالبوکه بوده بروهم. فقط آکلاده مازسک.

هرنه ایسه بز اونقطه پی براقلم، حسن نیتله چالیشهلم. اتحاد اسلامک معناسی نه در؟ اولو بوراده دیناً عائله من افرادندن بولونان مسلمنانلری یکدیگرینه طاقمق، قارداش اولدقلرینی بیلدیرمک. بوکا هیچ کیمسه نك اعتراضه صلاحیتی ده یوقدر.

عینی زمانده بر عائله عثمانیه اولدیغمیزی ده اونو تمایه جغز. بوده وظیفه مدنیه در. بوتون عثمانیلرک، یعنی دین و مذهب اعتباریه مخالفلرک دخی شرع و عقلک بخش ایتدیکی حقوقی طاقمقدن نه غائب ایدرز؟ بو، نه اللهک رضاسنه منافی در، نه ده مسلك سیاستمه.

اسلامیت عائلیتی محافظه ایله برابر عینی زمانده عثمانیانی ده محافظه جالیشمه یه بوزجلور.

سوزلرمی خلاصه ایدیورم.

ذاتاً سوزلرم دیمک، ایچنده بنم هیچ برشیم یوقدر. بندن اول خطابت ایدن ایکی آرقداشمک ملاحظاتی خاطر مه بعض شیلر کتیردی. سزی راحتسز ایتدم. سوزک نتیجه سی جمله مزک بیلدیکی بر مرتبه انسانیه خدمت در. انسانلق دینلن بر مرتبه وار. انسانلر اوکا خدمت ایتمه مجبوردر. حتی طلبه مدن بیلنلر واردر، بن درس اوقوتورکن دیورم که خواجه ایله طلبه نك فرقی بر آفاق مردیوندن عبارتدر.

ایشته انسانلر آره سنده حقیقی برفرق یوقدر. سویله نیلن برفرق ظاهری، اجتماعی احوال دن عبارتدر. چونکه هر کسک کوره جکی سکنز آرشون بزدر. انسان قهره کیرنجه بو حقیقت تجلی ایدر. قنبورلر بیله اوراده طوس طوغرو اولور، دیگرلرندن فرقی قالماز.

انسان قورتوله میه جفی یک ظاهر اولان بریره کیده جکدر. بوعائلیت احکامنجه انسانه لازم اولان کندیسی رذیله جهلدن قورتارمق و کندی کی بر بابانک اولادی اولان انسانلردن جهلی ازاله یه چالشمق... ایسته غایه اسلام، ایسته اخلاق عالی، ایسته مدنیت حقیقیه... [شدتلی، سورکلی آقیشلر]

عبدالرشید ابراهیم افندی نك ایکنجی قونفرانسی انشالله کله جک هفته یه

سلانیکده منتشر (روم ایلی) غزته سی عثمانی اتحاد و ترقی جمعیتی ممثلرندن مجاهد شهر دوقنور ناظم بک افندی ایله وقوعبولان ملاقاته عطفاً بوجه آتی بیاناتده بولنیور:

خابر — تعیم لسان ایچون نه پایلیور؟

ناظم بک — ترکیه مزک مملکت مزده عمومی لسان حکمته کیرمسی عثمانی نامی طاشیان بالجه و طنداشلریمز ایچون بر مجوریت قطعیه در. بو خصوصی تقدیر ایتمین هیچ بر عثمانی یوقدر. ترک لسانیه متکلم اولانلره وبالخاصه حکومت عثمانیه ترتیب ایدن وظیفه نك اک مهمی افراد عثمانیه پی یکدیگرینه ربط ایده جک اولان لسان عثمانینک سهولته تحصیلنی تأمیننه چالشمق در. بو خصوصیه اک اول نظر دفته آنله جفی نقطه، املا کیفیتله لسانی ساده لشدیرمک ایچون قواعدینی ترک لسانی قواعدینه انحصار ایتدیرمکدر. ترک قواعدینک نه قدر منتظم و بسیط اولدیفنی تعیم ایچون (غرائد آنسیقلوبه دی) نك ترک ادبیاتی حقنده یازدیفنی بندی اوقومق کافیدر، اوراده دینیور که:

«اگر دنیانک بوتون صرف علماسی بریره کلوبده غایت بسیط برغرام یا بنی دوشونمش اولسه لردی، ترک لساننک قواعد صرفیه سندن دها بسیط، دها منتظم برغرام تألیفی ممکن اوله مازدی. «عثمانی ملتی ایچون شایان ممنونیت بر نقطه دها وارسه آسیاده بولنان وعددی هیچ شبهه سز یتش ملیونی متجاوز اولان ترک و تاتارلرک عثمانی لسانی لسان ادبیات و مخبرات اولق اوزره قبوله متایل و بویوله بز عثمانیلردن زیاده ساعی بولونلریدر. بر لسانی متکلم اولانلرک عددی نه قدر چوق اولورسه اولسانله محرر آثاره ایدیلر جک رغبتکده اونسبتده زیاده اواسی طبیعی و بونکده «ترقی» لسان ایچون نه قدر بویوک بر مشوق تشکیل ایده جکی آزاده ایضاحدر. روسیه ده بولنان ترک علماسندن دوقنور علی بکک دیدیکی کی ترک لسانی یالکر ترکرلرک دکل، بوتون اسلاملرک لسان فنیسی اولق استعدادینی حائزدر. بوذاتک ادعاسنجه اسان عرب لسان دینیسی؛ لسان ترکی ده لسان فنیسیدر.

— برانچمن دانش یالسی مقرریدر؟

— بوبابده معلومات یوقسه ده بوکی سؤاللرک تکرری مقصدک تأمیننه خدمت ایده جکی ایچون بویله بر سؤال قارشوسنده بولندیغمدن دولای سزه تشکرلر ایدرم. زیرا بوسؤاللر تکرر ایتله که بومؤسسه بر احتیاج مبرم صره سنه کچمش اولسون.

قاهره ده منتشر (الوا) غزته سی مصر حکومت محلیه سنک تطبیق ایتک داعیه سنده بولندیغنی نفی سیاسی جزاسندن بحثه دیور که: «لورد قرومرک مسلك سیاسیسنه مخالف اوله رق لورد غورسنتک کوستردیکی وفاق وائتلافک بر مقصد خفییه مبنی اولسندن طولای اندیشه ناك اولان عقلای قومک حکومت ایله اهالی آراسنده موجب تفرقه اوله جفی اسبابی ابتداء ازاله یه حصر مساعی ایتدکلرینک فرقنده اولیان قوه احتلالیه [۱] بر طاقم کوتاه پینلرک کوستردکلری آثار تودددن امیدلرک یکی مسلکلرنده بوقیت تأمین ایتدکلری زعمیه قلیجلرینی چکدیلر، حریتی محو ایدن، شجاعت ادبییه کی کلچهلان عدالت و انسانیت قواعدینه کلیامغیر اولان مهور مطبوعات قانونی اورتیه قویدیلر. بوخیمه نك آلامیه ایکله مکده اولدیغمز بر صیره ده ایکنجی برفلیجک اوزر مره تسلیم ایدله یکنی کوردک: آسایش عمومی، محافظه بهانه سیله حکم حاکمه اقترانه لزوم کورلمکسزین مصونیت شخصیه پی، حق مدافعه پی اخلاص ایدن اداره نفی جزالری تطبیقانه معروض قالدق. شیمدیده نفی سیاسی جزاسنه نامزد بولنیورز. ذاتاً نفی اداری جزاسی بر

[۱] انکلیز اشغالی قصد اولنیور.

سنه اول بالذات بو شاهدك سكرن پاشنده بر اولادني بازارجقه ، كوبه كوندوز ، سوراق اورته سندن قوميتلر ناصل قاجيرديغي ، وبالذات بازارجق ملحقانده شو بر قاچ سنه ايچنده اسلامه عائد نه كي فناقلر وقوعه كلدنيكي محكمه حضورنده سوريكز ديدى .

رئيس سويله سين ديدى . حسين افنديده آجدي آغزني يومدى كوزني . بر جوق اسلام منورانيك ناصل مجهول اللره تلف اولوب قاتلارك آرانوب ميدانه چيقاريله ماديني ، كندى اولادى ناصل چالنديني ، نه درلو كندوسندن باره ايسته نيلديكي ، خلاصه غايت مهم واقعه لر آكلاندى . حتي بر طاقم اسلام مقتوللرينك اسملرني صاياركن مدعي عمومي طغروف حدتله (جام ايستانتيقي طوتدك ؟) ديه بر معتاد اكلنمك ايسته دي . فقط حاجي عيش پهلوان زاده حسين هيچ ايستيفي بوزمايوب (اوت تكميلني شمدى اؤبره صايا بيلرم) ديدى . حسيتك بودرجه سريست وفصيح بلغارجه ايله اقرارلري رئيس محكمه لك ده خوشنه كيتمدى . ذيل اورولدى ، چكيل سنده دنيلدي . حسين افنديده چكيلوب صره تاتار بازارجق معتبراندن عجم محمد آغا اسمنده كي قفقاسي الاصل بير محترمه كلدى ... الخ »

اورنبورغه انتشار ايدن (وقت) جريده اسلاميه سي فاس وقايعندن بختله ديوركه :

« متعصب و كوتاه بين بر طاقم آدملرك معناسر هجوملريله باشلايان (قزابلانقه) حادثه سي نهايت مسلمانلر ايچون پك آجيقلي ومؤسف بر صورتده ختامه رسيده اولدى . صوك تلغراف خبرلري امير عبدالحفيظ حضرتلرينك فرانسه قونسلسونك تهديدى نتيجه سي اوله رق تكليف اولنان شرائطي تماميله قبول ايستديكي بيلديريور (شروط معلومه يي تعداد و تفصيلدن صكره) ايسته كوريلوركه بوشرطلر فاسك اهميت واستقلالني محوايديور ، قوجه حكومتي عادتاً فرانسه يه تابعيت درك سنده اينديريور . استقراض ايچون المقرريه ويريلان صلاحيت واسعه ايله ترك ضابطلرينك اعاده سي حقنده كي شرط نه قدر آغير و معيذاردر . فاسك بو مهلكه دن قورتلسي احتمالي پك آزدرد . اساساً بو شرطلر فاسك بتون ترفيانه مانع اوله جقدر . اكر مولاي عبدالحفيظ حضرتلري مملكتتي شورشدن و فرانسه مستملكه سي بايقدن قورتارمق فكرنده ايسه فاس كنجلرني تركيا حريمه مكتبلرينه ، فن مكتبلرينه و سيرك ميرك كوريلان تجدد و ترقى مجلرني ده ، اوروپا مكتبلرينه كوندردملي و شو صورتلرله مملكتته تعالى و مليت روسي افاضه ايتليدر . لكن بيلمه يز اوروپا مدنيتندن قاجوب خواب غفلتده قالمقده اصرارايدن تبعه سي ، حكمدارلرينه بو خصوصده معاونت شويله طورسون ، فرصت ويره جكلري ؟ »

وقت غزته سي انتظام مساعيني فواندن بختله ديوركه :

« بر ايشده بركت و موفقيت انجق انتظام ايله اله كچر . كليشي كوزل ديلنجلره مفرداً تصدق مملكتده فقر وعطالتي تعميم ايستديكي حالده زكيتلرك مجتمعا تصدقده بولنه رق خسته خانه لر ، يتيم خانه لر ، دارالعجزه لر تاسيسندن مملكت هر صورته مستفيد اولور . خلقمك صوك زمانلرده بورالريني تقدير ايتكده اولدقلى مع المنونيه كوريلور ، جمعيت خيريه لر تاسيس ايديلورلر . معاونتلريني بر شكل معقوله ياپيورلر كه بكرمه تعالى عهد قريده ثمرات حسنه اقتطافي مأمول قويدر . بو اصولك تحصيل معارف خصوصنده ده تطبيقني ثمن ايدرز . مسلمانلر كندى همتلرله مكتبلر ، مدرسه لر وجوده كتير مشلر . معلم و معلملر يئشدر مشلر . خلاصه بو يولده بذل مساعيدن كرى قالماملردر . بناء عليه روسيه مكتبلرنده ، استانبول ، مصر ، مكه ، مدينه دارالعلوملرنده تحصيلده بولنان طلبه يه يارديم ايدنه جك حيتلي مسلمانلر آز دكلدر .

ايسته بونلر معاونتلريني منتظم بر صورتده ايفا ايتليدرلر . از جمله محله لرده كي مكتب و مدرسه لرك مصارفاقي محله اهالي سندن منتخب هيئتلر طرفندن ايفا اولنلي و انلرده دائماً منتظم حسابلر ويرمليدر . يتشديريلان كنجلر حمايه اولنلي و انلره ايش بولاق خصوصنده دلاللرده بولنمليدر . چوق كنجلر مزاوردر كه اكال تحصيل هوسنده بولنورلر . فقط قدرتلري بتديكي جهته بو هوسلرندن استفاده اولنيور . شيمدي ملت بو قبيل كنجلري اوقوتور ، اكال تحصيللرينه

تجربه ايدى سكوت ويا شكايته كوره تعين مسلك اولنه جقدى . مصرده بوجزانيك تطبيقني استلزام ايدنه جك بر حال كوره ميورز . اختلال ايچنده ميورز ؟ بر آدمك (ورداني - بطرس پاشا قانلي) ارتكاب ايلديكي قتل فعلندن طولاي قوجه برامتي تحت ظنده بولنديرمق قواعد انصاف وعدالتك قنيسيله قابل تأليفدر ؟ جرم ميدانده ، قتلدن عبارت . ديكر قاتلر كي مجرم بر فعل قتل ارتكاب ايتش . واقعا اسباب بشقه . فقط قانونز ايكي نوع قتل اراسنده جزائي برفرق كورميور . اكر حكومت قانوني تعديل ايدرك بو قبيل جرائم اصحابي يالكنز نف سياسي ايله معاقب ايدنه جكسه بوكا ديه جك يوق . مشروطي حكومتلره مثال اوله جق بر مظاهرت حريرورانه تلق اولور . فقط بويله اولمايونده سياسته دائراداره افكار ايدن هر شخصي ايسته نلديكي زمان مملكتندن چيقارمق ويا آليقويقي كي بر صلاحيت واسعه تأميني ايسه آرتق الويرير . بزدن نه ايستيلورلر . مالارمزي ايستدكلري كي آلدلر ، رفع آوازه اشتكا ايتكدن بزي منع ايتديلر ، فلاكتلرك ضروري اولان فريادلريني ايتدكجه آغزمنه كم قويمه قانقيديلر . بزي انعام منزله سنده اينديرديلر ، معارفزي بيقديلر ، ثروتمزي محو ايتديلر ، املا كمزي صايتديلر ، آغير بورج زنجيرلريله هر طرفزي باغلاديلر . حساب صورده ، وعدلريني ، يمينلريني خاطره كتيردكجه مملكتده فساد چيقاريوريور سكرن سلاحيله بزي اك اوزاق يرله آتيلورلر . چوقلر مژدن ، قرداشلر مژدن ، سوكلي وطن مژدن مهجور ايديلورلر . فقط بزي نه قدر ايختسه لر نه قدر استبداد قانونلري وضع ايتسه لر قنيلرمزي ، اسانلرمزي مصرك حقوقي مدافعه دن منع موقوف اوله ميه جقلردر . و بر لحظه جق اولسون امر مدافعه ده بزي دوجار ياس وفتور ايدنه ميه جكلردر . »

اسلاملرك جهالت يوزندن نامزد بولونقلري عواقب نمونه لرندن :

نلبه ده منتشر بالقان رفيقمزك (ادهم روجي) بك محاكمه سنده عائد قسمندن عينا :

« قارلوه دعوا سي شاهد لرندن صوكرا سكرنجي شاهد اوله رق « ويريتسه » قريه اسلامي مكتبته وقوعبولان تعرضي مصور مظالم بندي اوزرينه سابق صوبرانيا اعضا سندن محمد علي سلطان كرايك شهادتي ديكندكدن ، يعني محمد علي سلطان كرايه ده وقعيني هم كندى يازمش اولديغي وهنده ذات وقعيني اقرار ايله كندن صكره تاتار بازارجق دعواسنه مباشرت اولوندى . ايلك دفعه اغنياي مشهوره دن حاجي عيش پهلوانك اوغلي حسين افندي چاغلدى . يعني طغوننجي بر شاهد كي محكمه يه داخل اولدى .

رئيس صوردى : بازارجقه جامعلرككزك جاملري قيرلديغه ودها باشقه وقوعاته دائر نه بيلورسك ؟

حسين حاجي عيش : جامع ايجروسنه اولمش درت خنزير لاشه سي آتلس اولديغي ايتدم . عجم محمد و داماد حسن افندي برابر اوله رق كيتدك . بعده قائم مقامه خبر ويردك . قائم مقام كلوب لاشه لري آتدردي . قيريلان جاملر حقنده معلوماتم يوق .

مدافع حافظ صدق : بر مسلمان قادينني بازارجق استاسيونندن آلوده قيره قاجيران واوراده عرضه كچوب بعده آلماسلريني صيوب پچاقلا ده جرح ايدن بايطوننجي حقنده نه بيليرسه سويلسون .

حسين حاجي عيش : درعليه دن كلن بر مسلم قادين بازارجق استاسيونندن شهره كيتك اوزره بايطونه اوطورور . بايطوننجي آني قيره كوتورر ، قادينك جبرا عرضه كچركن بر ترك خواجه ايله بر باغار اوستنه كلير وقادين قورتاروب اثوابي پارچه لشمش و آنده يوزنده ماوي بره لر بولشمش اولديني حالده شهره كوتوررلر .

رئيس : بونصل قاري در ؟

حسين : معتبر فامليادن ، بش اولاد والده سي .

رئيس : بايطوننجي يي نه ياپديلر ؟

حسين : بر كيجه حبس ايدوب صاليويرديلر .

ديركن ادهم روجي و كيللري واسطه سيله صوردوردى : بوندن اوچ

خاصة جالشیله جقدر . بنغاله اعظم اسلامیه سی كافة جمعیت اعضا لغنی در عهده ایشلردر . علاوه شمس الهدی ، رسول المحامی ، مسلمان جریده سی صاحبی محیب الرحمن افندیلر حضراتی . یو میانه در . شو همتلرندن طولانی محترم قارداشلمزله تشکرلر ایدر ومظهر فلاح اولملرینی الطاف سبحانیه دن تضرع و نیاز ایلر .

جزائر :

جزائر قطعه سی چکرکه لرك دهشتلی استیلاسنه معروض قالمشدر . کثیف چکرکه بلوطلرندن کونش کورلیبور . مواردات ، مواصلا تامیله منقطع اولمشدر . تاریخ طبیعی علماسی تدقیقات مخصوصه ده بولنیورلر . نوعی واسباب تکثرخی هنوز آ کلايه مامشدر .

§ جزائرده فرانسه حکومتی طرفندن بر اسلام دار الفنونی آچیله جقدر .

روسیه :

وقت غزته سی صاحبی فاتح کریموف افندی اسلاملر ایچون دارالمعلمین تأسیسی مسئله سنه دائر غزته سنده مندرج ملاحظه دن طولانی یوز الی روبله جزای نقدی و برای حبسه محکوم اولمشدر . محکومیت قراری اسباب موجب سنندن آ کلاشلدینی اوزره وقت غزته سی کچن سنه ۵۴۸ نجی نسخه سنده « بوکوله دارالمعلمین » سرلوحه سیله بر مقاله نشر ایشمش ، اسلام ترقی جمعیتی طرفندن بوکوله شهرنده اتا لسانی وعلوم دینی و حساب و تاریخ و جغرافیا ، اصول تعالیم و تربیه و روسیه لسانی تدریس اولتی اوزره بر دارالمعلمین تأسیسی ایچون مساعده ایستلدیکی حالده حکومتجه رخصت ویرلدیکنندن و بو دوسلر اسلاملر آراسنده من القیم اوقوتدیرلقدده اولدینی حالده معلملر یتیشدیرجه جک بر مؤسسه بولندیفنندن بحث ایله « حکومت دارالمعلمین کندیسی آچماز ، مسلمانلره آچقه مساعده ایتیز ، معلملردن ایسه دارالمعلمین شهادتنامه سی ضرورمقده و شهادتنامه سز معلملرک تدریس ایتدکلری مکتبلری قیامقده اصلا اغماض عین ایتیز ایسه کندوسنه غصزلردن بری قویاً مربوط بولسان ۲۰ میلیون مسلمان بالادات خارجه قاجیرمش اولور .

عباره سی مندرج بولنش اولسی حسیله کیفیت معارف دائره سنندن صوریلهرق آلان جوابده دارالمعلمین تأسیسنه مساعده اولنمسنک اسبابی نظامات حاضره ایچانجه اسلام مکتب ومدرسه لرنده یالکز علوم دینی و تاتارجه قرائت و کتابته مساع قانونی اولوب علوم سائر و عمومی فنلری تدریسک صلاحیتلری خارجنده بولندیفی و مسلمانلره مخصوص دارالمعلمین آچیلیمینی حقنده نظامنامه ده بر ضراحت اولمادیفی کی اوقونمی جواز قانونی به مقرر دوسلر ایچونده خوجه لرك یتیشدیردیکی معلملر درجه کفایه ده اولدیفنندن بویه بر مؤسسه به احتیاجده بولمادیفی بیان ایدلش اولسندن طولانی نشریات واقعه مستلزم جزا کورلمشدر . فاعتبروا

صاحبی عمر (یاما اوقا) افندی نك شهر مزده مزارفتی

بر مدتی بوی شهر مزده بولنوب ژاپونیا ده انتشاره باشلایان دین مبین اسلامیت حقنده متعدد نطقلر ایرادیله صمیمی توجهلره مظهر اولان ژاپونیا لی حاجی عمر (یاما اوقا) افندی قرده شمس بوکون ژاپونیا به متوجهاً حرکت ایدیور . دون برای وداع اداره خانه ضری تشریفلری ائساننده دیار اسلامده وبالخاصه دارالخلافه ده حقنده ابراز اولنان آثار توجه ومهماننوازدن پک بمنون و متشکر اولدیغنی ، بونی هیچ بر زمان اونوده میه جغنی ، قلبی دائماً بوراده کی مسلمان قرداشلرله برابر اولدیغنی و ژاپونیا ده دین اسلامک انتشارینه بتون موجودیب وغیرتیه چالشیه جغنی صمیمی و حرارتلی سوزلرله افاده ایده لرك مسافر پرور مسلمان قرداشلرینه و بتون عثمانیلره سلام ووداعنک تبلیغی رجا ایتشدر . کمال عافیت وسلامتله مملکتلرینه مواصلا و ارزولرینک علویتله متناسب صورتده نائل موفقیت اولملرینی جناب حقندن قبی ایدرز .

« مطبعة خیریه » وشرکاسی مدیر مسئول : اشرف ارباب

دلالت ایدرسه صکره بولر عودتلرنده ملتلرینک ترقیسی ایچون نه لر یامازلر . بو کون نه اولوردی اورنبورغده کی میلیونرلرمن بویه بر حایه جمعیتی تأسیس ایدرک کندی منفعتلری ایچونده آدم یتشدیرمش اولسلر ایدی شبهه یوق که ترقیمز دها بشقه درلو اولوردی . ایشته ترکیده کی اومیلرک بو قبیل حایه و معاونت جمعیتلرندن اقتطاف ایتدکلری ثمرات میدانده در . خلقک ترقیسی حکومت ایچونده فائده لی اوله جفنندن حکومتجه ممانعت شویله طورسون مظهر تسهیلات اولملری مأمولدر . اوقا ، قزان کبی مراکز اوك آفاق اولورسه بو خیرلی مقصد چار چایق تعمم ایدر .

مصر :

سویس قنالی امتیاز مدتک تمیدی حقنده کی تکلیف مصر جمعیت عمومی سی انجمن مخصوصنده تدقیق اوله رق منافع ملیه و وطنیه به مفایر کورلدیکنندن ردینه قرار ویرلمشدر . بو بایده تنظیم اولنان مضبطه جمعیت عمومی به در دست تدقیقدر . محلی غزته لر رد قرارینک تصویب اولنه جغنی موضوع بحث ایتک صورتیه وطنپورانه مقاله لر یافنیورلر . منافع اسلامیه یی محافظه ایتکده اولان بو قرارک تصویبی بزده قبی ایدرز .

§ بطرس باشک قاتلی وردانی به اشتراک ماده سنندن طولانی اوقات ، دو قنور ، حقوق طلبه سی اولق اوزره تحت توقیفه آلنان منورالفکر سکر ذات حقنده اجرا قلان تحقیقات عدلیه نتیجه سننده مسئله ده برکونه مدخللری بولمادیفی آ کلاشلدیفنندن منع محاکمه لرینه قرار ویرلمشدر . اهالی کمال هیجان ایله صدورینه منتظر بولندکلری شو قراری (یاشاسون عدالت) الفیشلرله قارشیلامشدر . بتون افطار مصریه ده مسرت عظیمه حکمفرمادر . وردانی ارتکاب ایلدیکی فعل قتلك سائق حسیات وطنپورانه سی اولدیغنی و وطنه اهانت ایدن هر بر ناظرک بویه بر نتیجه یی کوزه آلمسی ایجاب ایده جکنی اثنای استنطاقده اقرار و اعتراف ایلشدر .

§ مولد نبوی شملکلری مصرده مشعشع ومحتشم صورتده اجرا ایدلش و بو مناسبتله پک جوق علمی اجتماعلر وقوغبولمشدر .

افغانستان :

هند غزته لرینک روایتلرینه نظراً افغانستان امیری حضرتلری خلافت معظمه اسلامیه به قبول اولنان نظامات عسکریه به توفیقاً افغان تشکیلات عسکریه سی وجوده کتیرمک نیتنده درلر .

§ امیر حضرتلری یاز موسمی جلال آباد شهرنده کچره جکلردر . § افغانستانده معارف کوندن کونه ترقی ایتکده در . (حبیبیه) مکتبنده طلبه نك مقداری دائماً تزاید ایدیور . امیر حضرتلری اصول جدید اوزره یکیدن بر جوق مکتبلر آچیلیمسی امر ایتشدر . مشارالیه ک فطانت وکیاست شاهانه لرندن ذاتاً منتظر اولانده بودر . جناب حق توفیقات احسان بیورسون .

هندستان :

انگلزده کی هند مجلسنه طرف حکومتدن بری اسلام و دیگری هندو اولق اوزره تعیین اولنان ایکی ذاتدن اسلام اعضا احوال صحیه سنندن طولانی استعفا ایلشدر . منحل اعضا لقه غیر مسلم بر ذاتک تعیینی تقرر ایتدیکنی خبر آلان اهالی مسله هیجانه کلرک نمایشدره بولندلر و کندیلرندن بر ذاتک تعیینی مصرأ طلب ایلشدر . طلب واقع اخیراً اسعاف اوله رق عباس علی پک وظیفه مذکوریه تعیین ایدلشدر . هند مطبوعات اسلامیه سی نتیجه حاصله دن طولانی پک زیاده آثار سرور اظهار ایتکده درلر .

§ هندستانده تحصیل ابتدائینک مجاناً اولسی حقنده تشبثانده بولنیور . § بنغاله اسلاملری قومشوری اولان هندولرک ترقیات فکریه لرینی نظر اعتباره آلهرق انلرک سویه عرفانه یتیشه بیلمک ایچون بر جمعیت اسلامیه تأسیس ایلشدر . جمعیت اسلام طلبه سنه معاونت ایده جک و انلری ملیت واتحاد تربیه سیله یتشدیره جکلدر . مکاتب ابتدائیه نك بین المسلمین جو غا لسنه